



МЕСЯЦА АВГУСТА В 5-й ДЕНЬ

Предпразднство Преображения Господа
нашего Иисуса Христа
и святого мученика Евсигния

НА ВЕЧЕРНИ

На Господи, возвах: **стихиры предпразднства, глас 4.**

Подобен: Дал еси знамение:

Приидите, взыдем со Иисусом, / восходящим на гору святую, / и тамо услышим глас Бога Живаго, / Отца Пребезначальна, / облаком светлым свидетельствующ Божественным Духом / Того свойство присносущнаго сыновства, / и, умом просвещаемы, / в свете Свет узрим.

Приидите, предликуюем, / и себе очистим, / и верно уготовим к Божественному восходу / превъшняго Божия жительства, / яко да самовидцы Того величества явимся / и славу получим, / юже видети сподобишася апостолов предызбранныи / тайно на горе Фаворстей.

Приидите ныне, / лучшим изменшеся изменением, / себе наутрие добре уготовим / на гору предвзъйти Божию святую, / неизменно Христову славу блистающую узревше / ясно паче солнца, / и, Троичным озаряемы Светом, / о сем прославим Того схождение.

Ины стихиры мученика, глас тойже.

Подобен: Яко добля:

Обагрився кровию плоти твоея, / одялся еси в порфиру, славне, / Божественныя благодати / и

верх твой венцем обложил еси нетления жизни. /
Крестá же побѣду, мучениче всеумдре, / десницею
обнося, якоже скиптро, / со Христомъ царствуеши,
всегда веселяся.

Воин непобѣдимъ познанъ былъ еси, Евсигнїе: /
Крестнымъ бо оружіемъ ограждаемъ, / къ бореніемъ
изшелъ еси врага борца / и низложилъ еси того, /
воевавъ свѣтло / и венецъ приѣмъ побѣды / отъ единаго
Подвигоположника и Владыки / и присно царствующаго.

Честными твоими страстьми / страсть честную,
славне, / страдальче Евсигнїе, изобразилъ еси / и,
победоносецъ бывъ, / въ Вышней митрополи со всеми
живѣши страсотѣрпцы, радуясь / и обожаяся
причастіемъ Божественнымъ. / Сего ради честное
твое и святое совершаемъ торжество.

Слава, и ныне, глас 5:

Приидите, взыдемъ на гору Господню / и в домъ
Бога нашего, / и узримъ славу преображенія Его, /
славу яко Единороднаго отъ Отца, / свѣтомъ приѣмемъ
Светъ / и, возвышени бывше духомъ, / Троицу Едино-
сущную воспоимъ во вѣки.

Аще суббота, И ныне, догматикъ.

На стиховне стихирѣ, глас 2.

Подобенъ: Дѣме Евфрафовъ:

Сияніемъ добродѣтелей / просвѣщшеся, / произы-
демъ на гору святую, / да узримъ Божественное /
Господне преображеніе.

Стихъ: Милость и истина сретѣстеся, / правда и
миръ облобызастася.

Знаменіе боголепно / Божества показуетъ / прѣж-
де Крестá тайнникомъ, / яко солнце облиставъ, /
Христосъ на горѣ днесь.

Стихъ: Блаженіи людие, / вѣдущи воскликновѣ-
ніе.

Естество, еже во Адамѣ, / Христосъ изменити
хотѣй / на гору нынѣ / восходитъ Фаворскую, / да
обнажитъ тайнникомъ Божество.

Слава, и ныне, глас тойже. Самогласенъ:

Иже на горѣ Фаворстей / преобразившися во
славе, Христѣ Бѣже, / и показавшій ученикомъ

Твоим / славу Твоего Божества, / озари и нас светом Твоего познания / и настави на стезю заповедей Твоих, / яко един Благ и Человеколюбец.

Тропарь, глас 4:

Христово преображение предусрящем, / светло торжествующе предпразднственная, вернии, и возопиим: / прispе день Божественнаго веселия: / восходит на гору Фаворскую Владыка, / Божества Своего облистати красоту.

НА УТРЕНИ

На Бог Господь: тропарь предпразднства, трижды.

По 1-й кафизме седален, глас 4.

Подобен: Явился еси:

Праздник пресветел Владычень прииде, / приидите вси, на гору, умно предочистившися, взыдем Фаворскую, / Христа видети.

Слава, и ныне, тойже.

По 2-й кафизме седален, глас 4.

Подобен: Удивися Иосиф:

Предпразднства день, вернии, днесь / светло славнаго и страшнаго преображения Христова совершающе, согласно возопиим: / смешение наше преобрази, Спасе, Божественною Твоею плотию сооблистав тому, / и отдаждь первейшее достоиние нетления, яко Милосерд, / да Тя вси славословим, единого Бога нашего.

Слава, и ныне, тойже.

Канон предпразднства со ирмосом на 6, и трипеснец на 4, и святаго на 4. Подобне поем 8-ю и 9-ю песни, 3-ю же и прочие песни, даже до осмия, предпразднства со ирмосом на 8 и святаго на 4. Аще случится предпразднство в Неделю, трипеснец выпеваем на повечерии.

Канон предпразднства, глас 4.

Песнь 1

Ирмос: *Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.*

Да облистает доле свет небо паче солнца, / и земля да слышит глаголы Живаго Бога, сыновство преобразуемаго: / Отец бо свидетельствует на горе Фаворстей.

Человек зримый, но Бог кремый, / на Фавор Христос восходит, Божества зарю обнажая, / еже паче солнца, славы светлостью.

Разумно ныне предгрядет явиться Моисею Христос, / славы видение показуя на горе Фаворстей лицом к лицу неходатайственной беседою, / радуешься, днесь предпразднуем.

Трипеснец, глас тойже.

Песнь 1

Ирмос: *Воспою Тебе, Господи Боже мой, / яко извел еси люди из работы египетския, / покрыл же еси колесницы фараоновы и силу.*

Сей предпразднственный день совершающе, вернии, / преображения Христа, Избавителя нашего, / восплещим песнями.

Вход постигши святого преображения Христова, / и мы облистаемся Божественными изменении, сие облобызающе.

По нынешнем Христос дни, поемь ученики, на гору восходит / и, тамо преобразяся, облистает Божеством.

Гору Фаворскую, приидите вси, достигше умно, Христа узрим, / пред ученики Своими страшно преобразующаяся.

Яко Давид пророк, вопиет Ти: / Фаворская гора и Ермон о Твоем Имени, Христе, возрадуются, / в преображении Твоем.

Гору превысокую — сердце, очищено от страстей, имущии, / узрим Христово преображение, просвещающее ум наш.

Тричтен: *Троицу прославим православно, / со Отцем Сына и Духа Святого, Едино Божество, / Единицу Триипостасную.*

Богородичен: *Мать и Деву Тя православно*

исповѣдуем, вѣрнии, / неизречѣнно рождшую Христа Бѳга нашего, единого Многомѳлостиваго.

Канѳн святѳго, глас 8.

Песнь 1

Ирмос: Поим Гѳсподеви, / проведшему люди Свѳя сквозѣ Чермнѳе мѳре, / яко Един слѳвно прослѳвился.

С преслѳвными чѳнми ѳнгельскими, преслѳвне, сѳй, / непрестѳнно пѳмѳть твою слѳвѳящѳя спасѳй.

Храм Утѣшителей освящѣнный твой ум, страсто-тѣрпче, показѳся, / сего рѳди ты вѣрою почитѳем.

Умерщвлѣние живѳносно плѳтию Пострадавшаго / изобразѳил еси плѳтию твоѳю, преблажѣнне, / и ѳстинней жѳзни спѳдѳбился еси.

Держѳву беззакѳннующих, укрѣплься дѳхом, низложил еси / и закѳны Госпѳдни, преслѳвне мѳчениче, удержѳл еси.

Богорѳдичен: Разрешися клѳтва, / преста же печѳль рождествѳм Твоѳм, Всеблагословѣнная Отроковѳце, / вѣрных весѣлие, Пренепорѳчная.

Песнь 3

Ирмос: Твоѳ песнослѳвцы, Богорѳдице, / живѳй и незавѳстный Источниче, / лик себе совокупль- шѳя, духѳвно утверди, / в Божѣственной Твоѳй слѳве / венцѣв слѳвы спѳдѳби.

Владѳчествуѳй твѳрию всею, виден бысть, зрак рабѳ приѣм, / ѳмже Божества непристѳпное сия- ние учеником показѳл есть, / ѳкоже вмещѳху зрѣти.

На гѳру ѳдет облистѳти слѳвы Солнце, Хри- стѳс, / и свѳше сияющую денницу омрачѳти свѣ- том, / Егѳже зарѳми сияюще, предпѳзднуим днесь.

Живѳтѳ вѣчнаго исполнѳя глагѳлы, предста Христѳс, / показѳя в Себе вѣщи другом разумѣти, ѳкоже благоволи, / Отѣческую слѳву блистѳющую.

Ин

Ирмос: Ты еси утверждѣние / притекаѳющих к Тебѣ, Госпѳди, / Ты еси Свет омрачѣнных, / и поѣт Тя дух мой.

Стал еси пред судѳщем, исповѣдуѳя Бѳга Царѳя, мѳчениче мѳдре, / плѳть взѣмшаго, и человекѳи наздавшаго.

Жертва непорочна, всесожжена угльми мученическими, / иже от Девы принесеса Углу.

Водами духовными наводняем, славне, / мутныя многобожия иссушил еси струй.

Богородичен: Все мое желание к Тебе движу, Чистая Владычице, / плотских похотей мя вскоре пременй.

Седален святого, глас 4.

Подобен: Скоро предварй:

Мученика Евсигния похвалим, / яко всю упразднившаго леств силою Христовою и веру уяснившашаго: / претерпе бо муки поистинне, и обличй мучителей суровство все, / и венец победы десницею Божию прият.

Слава, и ныне, предпразднства, глас тойже.

Подобен: Удивися Иосиф:

Готовися ныне, Фаворе, се бо грядет Христос, / Божества зарю паче ума показати на тебе славным учеником, якоже можаху. / Илия и Моисей страхом предстояста, облак же Света осеняше, / и глас слышашеся свыше от Отца Светов, глаголющ: / Сей есть Сын Мой возлюбленный, Того послушайте.

Песнь 4

Ирмос: Седяй в славе на престоле Божества, / во облаце легце / прииде Иисус Пребожественный / Нетленною Дланию и спасе зовущия: / слава, Христе, силе Твоей.

Небесный лик с земными радуется и предпразднует Светодавца сияние, / Иже несказанно облистает, изменяя человеческий зрак на Фаворе, / якоже благоволи.

Богочеловечным пришествием человеком приближився, / чудес зарею мир тайно просветил еси, / блистающею же славою Божества просиял еси на Фаворе неприступным Светом.

Иисус, Навин сын, первее солнце устави, прообразуя день Божественныя страсти, / Сам же, Спасе, прежде Честнаго Креста Твоего, сияния скрыл еси солнца / зарями Божественными лица Твоего.

Ин

Ирмос: Услышах, Господи, / смотрения Твоего тайнство, / разумех дела Твоя / и прославих Твое Божество.

Дремание отринув уныния, мучениче Евсигние, / бодренно к страданию несумненною верою дерзнул еси.

О Господе Спасе твоём, мучениче, радуясь, досточудне, / муки телесныя, яко пищу сладку, ты вменил еси.

Гордое шатание за злобу поползшагося, стратотерпче, низвергл еси, / Божественными нравами смиряясь.

Воин непобедим явился еси, во бранех подвизаясь, / скончав же мучение, враги безплотныя потребил еси.

Богородичен: Равносильна, сопрестольна родила еси Слова Отцу и Духу, / Егоже моли спасти мя, Пресвятая Отроковице, Приснодево.

Песнь 5

Ирмос: Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.

Христу, радуящеся, верно последуем: / се бо идет к горе, ученики лучшия с Собою ведый, / пред нимиже неприступною добротою возсияв паче солнца, / показав славу Свою.

Да просветится днесь небо светлейше восходом, еже к горе, / отонудуже облистает Христос неприступным Светом, / солнечныя лучи славою Божества омрачая, яко света Податель.

Тайнство показав Христос учеником на Фаворе, просияв паче зарей лицом, / одеждою же риз Своих убелився светло, яко снег, / одевайся, яко ризою, светом псаломски.

Ин

Ирмос: Утренююще, вопиём Ти: / Господи, спаси ны, / Ты бо еси Бог наш, / разве Тебе, иного не вемы.

Искренно прилепляясь, премудре, Владыще, / себе удалил еси от лукавствия, Евсигние.

Мертвым капищем чести не принесл еси, Богоносе, / Бога жива, Господа на Небесех ведый.

На древе воздвиген, мучениче доблемудренне, / страсть изобразил еси Безстрастного верою.

Богородичен: Слово во утробе Твоей, Чистая, воплощается, / безсловесных плотских страстей мир избавляя.

Песнь 6

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.

Чертог славы будущия радости другом готова, / восходит на гору Христос, / к житию Небесному от жизни, долу влекущая, возводя их.

Удивляя разум Христос учеников, небесное на земли сияние облистá, / закон и пророков раболепно представляя начальники, / имиже мертвым и живым свидетельствуется Бог.

Светильник явится ныне грядет, Христос, / в темном месте сиянием Божественного блистания, / Егोजе к сиянию идем, прямо лицу Его радуящеся.

Ин

Ирмос: Молитву пролию ко Господу / и Тому возвещу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Разумения истинная в сердцах благородными полож образы, / не неведей разумения, блаженне, вражия, на судище потекл еси / и погубил еси крестным всеоружием сего воинство.

Демонов служителие, служителя тя Троице разумевше, / мукам, и темницам, и неправедней смерти предают, мучениче Евсигние, / но побеждаются твоим непобедимым сопротивлением, пребогате.

Потоцы кровей твоих, мучениче, мутныя беззакония потоки, / и реки безбожия лестныя, и лукавыя изсушиша струи / исцелений же верным неизчерпаемая пучина явися.

Богородичен: Изсушивши сады злобы в Тебе прозябением Слова, Мати Чистая, / из корене души моея лукавыя мысли отсецы / и насади добродетелей красная, Дево, прозябения.

Кондак, глас 4.

Подобен: Явился еси:

Божественным днесь преображением / человеческого все естество просиявает божественно, в веселии зовущее: / преобразуется Христос, спасающий вся.

Икос:

Преображением Божественным зрак наш, иже древле тлением растленный / во адовых сокровищах праотца Адама, / днесь Зиждитель из тли возведет, обожает наш разум, / пребывает же Бог вкупе и Человек, / естества кажда соединена нося непреложна же и нераздельна. / Темже ныне на Фаворе несказанно сияет / и из всея плоти дает лучи Божества Своего, просвещая вопиющих: / преобразуется Христос, спасающий всех.

Песнь 7

Ирмос: Не послужиша твари Богомудрии / паче Создавшего, / но, огненное прещение мужески поправше, / радовахуся, поюще: / препетый отец Господь и Бог, благословен еси.

К преложению от земли, на высоту восходящему, ученик избранию последуем, / Христово смотряюще странное видение. / Удивльшеся же с ними, возопием: / Боже, благословен еси.

Осквернившееся очисти еси естество человеческое водою же и огнем, / Твоею плотию сего светлость покажешь, Спасе, / лицом Твоим просияв паче солнца во образ будущия славы.

Взидем со Христом на гору святую, / возводящим Зеведеевы сыны и Петра лучшаго, / ихже избра славе Своей свидетели, зовущия: / Боже, благословен еси.

Ин

Ирмос: Отроцы еврейстии в пещи / попраша пламень дерзновенно / и на росу огонь преложиха,

вопиюще:/ благословен еси, Господи Бóже, во веки.

Кровьми, мучениче, излианными любве ради Христа воплощагося,/ просветив твою душу, к Сему преставился еси, вопия, радуясь:/ Бóже, благословен еси.

Горя любовью Спаса, избежал еси пропасти нечестия/ и зиму лютых претерпел еси мук, взывая, Евсигние:/ Бóже, благословен еси.

Еще текущим каплям, преславне, Божественных твоих кровей,/ Владыце Христу предстал еси, воспевая:/ благословен еси, Господи Бóже, во веки.

Да Божественнаго Царствия вечную жизнь наследити,/ временнаго живота славы возгнущался еси, вопия, Евсигние:/ Бóже, благословен еси.

Богородичен: Нóво родила еси Отроча,/ Егóже роди Отец прежде век, Богородице Чистая./ Емуже вси воспеваем:/ Бóже, благословен еси.

Песнь 8

Ирмос: Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,/ и перевозите Егó во вся веки.

Кто не удивится, Всецарю славы, великолéпию славы Твоея,/ в неже преобразя, показал еси другом Твоим,/ Божественными светостями облистав их?/ С нимиже предпразднующих верою уясни Светом Твоим нас, Тя поющих.

Высоту Небеснаго жития и славы присносущна Божественное сияние даруй рабom Твоим,/ ныне предпразднующим Твоего преображения светлое торжество,/ в неже Свет облистая, уясняеши Тя воспевающая, Христé Светодавче.

Света Податель и Свет сый неприступен,/ Присносущне, Пребезначальне, одейся Светом, якоже ризою,/ свет в мире просиял еси, с плотию пришед,/ и Свет на горе облистаяеши, славы Отчия показав образ.

Ин

Ирмос трипеснца: Царя Христа, / Егóже исповедаша плененнии óтроцы, / в печи глаголюще велиим гласом: / вся дела, пойте Гóспода.

Госпóдня свѣтлаго преображенія настоящій день облистáв, / мiрови повелеваёт вопiти: / вся дела, пойте и превозносите Егó во вѣки.

Мыслию, вѣрнии, приидите, / пойдѣм к горѣ святѣй видети преображеніе Христово всесвѣтлое: / вся бо просвещает, славословящія сие во вѣки.

Днесь Христову преображенію / чiстым сѣрдцем предусрѣтение сотворим и возопим свѣтло: / вся дела, Гóспода пойте и превозносите Егó во вѣки.

Трiичен: В Лицех Трех Единоє Божество богословим, / Отца и Сына и Духа Пресвятаго, / купно, вся дела, пойте и превозносите Егó во вѣки.

Богородичен: Царя Христа, Егóже нам роди Дѣва Марія / и по рождествѣ пребывши Дѣва Чиста, / вся дела, пойте и превозносите Егó во вѣки.

Ин

Ирмос: Победители мучителя и пламене / благодатию Твоею бывше, / заповедем Твоим зело прилежаще, / óтроцы вопияху: / благословите, вся дела Госпóдня, Гóспода.

Щитом, всеблаженне, благочестія всюду ограждаемъ, / беззаконнующія победил еси благодатию, поя непрестанно: / благословите, вся дела Госпóдня, Гóспода.

Внегда скорбѣти тебѣ, к Богу воззвал еси Благодѣтелю, / и услыша тебѣ, и от лóтых избави тя, вопиюща: / благословите, вся дела Госпóдня, Гóспода.

Не богом бездушным честь безсловеснейшу, мучениче, принѣсл, / чиста жѣртва Богу принѣслся еси, поя непрестанно: / благословите, вся дела Госпóдня, Гóспода.

Да будущую получиши, премудре, жизнь и славу, / умертвился еси мiрови и, вопия, Евсигнiе, уморѣн был еси: / благословите, вся дела Госпóдня, Гóспода.

Богорóдичен: Мíлостивая Дéво, Бóга Премíлостиваго порóждшая, / мíлости Божéственныя вся сподóби, пою́щая: / благословíte, вся дела́ Господня, Гóспода.

Песнь 9

Ирмос: Всяк земнорóдный / да възигра́ется, Духом просвещáемь, / да торжествует же Безплóтных умóв естество́, / почита́ющее свящénное торжество́ Богомáтере, / и да вопи́ет: / ра́дуйся, Всеблаже́нная, Богорóдице, / Чíстая Приснодéво.

Ра́дуйся, нéбо, от земли́ возсия́ющаго ны́не проведýй, Сóлнца Незаходíмаго, / и славою́ Божéственною́ покры́ти хотя́щаго сóлнечныя свéтлости; / земля́ же да ликует свéтло, / Небéсною зарéю и свéтлостию́ сия́ючи и свет бывáючи.

По́я Давíд Твое́ преобра́жение, предвозгласí: / кто уподóбится Тебé, Гóсподеви, глаго́ля, в сынéх Бóжиих? / Ты бо, прославля́ясь в советéх святы́х, вели́к явился есí сýщим óкрест Тебé, / страшен в сла́ве Божéственнаго зра́ка.

О Сло́во Бóжие, мýдрость, и сíла, и óбраз Отéч! / О Бóже, разуме́аемый вёрными, и Человéче позна́аемый! / Твоего́ преобра́жения нас сподóби, совершíти свéтлое торжество́, / во свéте дóбрых дел сия́ющих.

Ин

Ирмос: Тя, Неискусобра́чную Богорóдицу, / Небéсный черто́г, / рóждшую Начáльника спасéния нáшего, / пéсньми велича́ем.

Сей первовхóдный день / Твоего́, Христé, творя́ще пресла́внаго и всесвéтлаго преобра́жения, / пéсньми Тя велича́ем.

Усéрдно, ведя́ще сла́вное преобра́жение Господне, / озарíм духо́вно помышлéния нáша, сие́ велича́юще.

Дóбрым изменéнием измéньшеся, Христóвым преобра́жением, / обря́щемся светоявлéнни добродéянии нáшими, сие́ велича́юще.

Трóичен: Тя, Триипостáсную Трóицу и Нераздéльное Существо́, / Отца́ и Сы́на и Духа Свята́го, пéсньми велича́ем.

Богорóдичен: Тя, купину́, ю́же Моисе́й ви́де горя́щую и неопаля́емую, / о́гнь прие́мшую Боже́ства, пе́сньми велича́ем.

Ин

Ирмо́с: Устраши́ся всяк слух / неизрече́нна Бо́жия снизхожде́ния, / я́ко Вы́шний во́лею сни́де да́же и до плóти, / от дев́ческаго чре́ва быв Чело́век. / Те́мже Пречи́стую Богорóдицу, ве́рнии, велича́ем.

К ре́постию, му́чениче, Христо́вою некрéпкаго врага́ умертви́л еси́, вознося́щагося / и сýетно войсти́нну ны́не шата́ющагося, / и ме́чному усече́нию глав́у преклони́л еси́, / и освяти́л еси́ кро́вным течéнием зéмлю всю.

Яко украше́ние всех страда́льцев, я́ко му́чеников красота́, Евсигни́е, / я́ко столп непоколебим Цéркве, я́ко огражде́ние благочестивых преявственно, / я́ко Божéственная ле́пота притека́ющих к тебе́, / я́ко всесвётлая звезда́, ублажи́лся еси́.

И ска́пают ми́ро па́ры по́тов твои́х благово́нное, Евсигни́е, / и сердца́ на́ша, ты чту́щих, благоуха́ют, / и смрад страсте́й, бед и скорбе́й отгоня́ют, стратотéрпче Христо́в до́блий.

Со́лнце сла́вы, Иису́се, уясни́вый па́мь днесь страда́льца Твоего́, / того́ моли́твами просвети́, молю́ся, / омрачи́вшуюся мою́ ду́шу преле́стию зми́ною, / да сла́влю Тя, я́ко Бо́га и́стинна и Чело́веколю́бца.

Богорóдичен: Просвети́, двéре Све́та, се́рдца моего́ о́чи, молю́ся, / тьмо́ю грехо́вною ослéпшия, / и приятны́ Божéственным покажи́ сия́нием, / да почита́ю Тя, да Божéственными гла́сы велича́ю Тя.

Свети́лен предпра́зднства.

Подóбен: Не́бо звезда́ми:

Не́бо созда́вый и звезда́м свет вложи́вый, днесь на го́ру Фаво́рскую возше́д, / освещает ученики́ заре́ю Боже́ства Своего́.

Сла́ва, и ны́не, подóбен:

Днесь на Фаво́ре Христо́с Свет облистá, / днесь свы́ше шум, глас Оте́ч, услы́шан бысть: / Сей есть, вопи́я, Сын возлю́бленный Мой.

На стиховне стихиры, глас 1.

Подобен: Небесных чинов:

Пресвятаго славнаго преображения / предсретеніе творяще в настоящий день, / Христа славословим, / наше огнем Божества / преобразивша естество / и якоже прежде нетлением облиставша.

Стих: Милость и истина сретостеся, / правда и мир облобызастася.

На святую гору, приидите, взыдем, / и всесветлое преображение / верою узрим Господне, / Тому верно поклоняющеся, и глаголем: / Ты Бог един еси, воплощся / и обожив человечество.

Стих: Господи, во свете лица Твоего пойдём / и о имени Твоем возрадуемся во веки.

Сей есть день предпразднственный, / воньже преобразуется Христос, / сущим с Ним Моисею и Илией / и Его учеником на горе Фаворстей, / гласу такову глаголющу: / Сей есть воистинну избранный Мой Сын.

Слава, и ныне, глас 5. Самогласен:

Закона и пророков / Тя, Христэ, Творца и Исполнителя свидетельствоваша, / зряще во облаце, / Моисей Боговидец и Илия огнеколесничник / и неопальный небошественник, / в преображении Твоем. / С нимиже и нас просвещения Твоего сподоби, Владыко, / пети Тя во веки.

НА ЛИТУРГИИ

Блаженны предпразднства, песни 3-я и 6-я.

Подобает ведати: аще случится предпразднство Преображения Христова в Неделю:

В субботу на малой вечерни, стихиры воскресны и Богородицы, по обычаю.

На велицей вечерни, по кафизме, на Господи, возвах: стихиры воскресны 3, и Анатолиев един, и предпразднства 3, и мученика 3. Слава, предпразднства. И ныне, Богородичен 1-й настоящего гласа.

На литии стихира храма и предпразднства стиховны того дне. Слава, и ныне, предпразднства.

На стиховне, стихиры воскресны, Слава, и ныне, предпразднства.

На благословении хлебов тропарь: Богородице Деве, радуйся: трижды. И чтение в посланиих Апостольских. А зри идеже несть бдения: по Ныне отпускаеши: тропарь воскресен. Слава, и ныне, предпразднства.

На повечерии поем трипеснец и по Достойне кондак предпразднства.



На ўтрени тропарь воскресен, двáжды. Слава, и ныне, предпразднства. И прочее до канона воскресно. Канон воскресен со ирмосом на 4, и Богородицы на 2, и предпразднства на 4, и святаго на 4. Катавасия: Крест начертáв: По 3-й пѣсни кондак и йкос предпразднства и седáлен святаго. Слава, и ныне, предпразднства. По 6-й пѣсни кондак воскресен и йкос. На 9-й пѣсни поѣм Чѣстнѣйшую: Светилен воскресен, двáжды. Слава, и ныне, предпразднства.

На хвалитех стихиры воскресны 4 и предпразднства стихиры, со Слáвным, 4. Слава, стихира Евáнгельская. И ныне: Преблагословенна еси: Славослóвие великое. Тропарь воскресен, ектений, и отпúст, и оглашѣние Студитово, и обýчное исхождѣние в притвóр, и час 1-й. На 1-м часѣ тропарь воскресен. Слава, предпразднства. И ныне, Богорóдичен часóв. По Отче наш: кондак предпразднства. Такожде и на прóчих часѣх глаголем, прменяюще.

На Литургii: Блаженны глása на 6 и предпразднства песнь 3-я. По вхóде тропарь воскресен, предпразднства, и хрáма Богородицы, áще есть, и хрáма святаго, или святыя. Таже кондак воскресен. Слава, хрáма святаго, или святыя. И ныне, предпразднства. Прокимен, Апóстол, аллилуия, Евáнгелие, и причáстен дне, и ўтренний Апóстол, и Евáнгелие ряд под зачáло.

зри Вѣстно буди: Яко áще случится праздник Христóва Преображѣния в Недѣлю, ничтóже воскресно поѣтся, ниже Евáнгелие ўтреннее чтѣтся, но вся слýжба праздника, вѣчер, и ўтро, и на Литургii, неизмѣнно.

Святой мученик Евсигний родился в Антиохии Сирийской в середине III века по Рождестве Христовом. Достигнув совершеннолетия, он поступил на военную службу. Шестидесять лет отдал Евсигний ратному делу, служа в войсках римских императоров Диоклитиана, Максимиана Геркула, Констанция Хлора, Константина Великого и его сыновей. В 308 году он удостоился быть свидетелем и описателем мученического подвига святого Василиска. При этом, вместе с другими христианами, он видел Самого Господа, Который принял возносимую Ангелами душу мученика. В царствование святого Константина Великого святой Евсигний был свидетелем явления на небе сияющего Креста, предвещавшего славную победу византийскому войску силой Христовой. В старости угодник Божий оставил военную службу и удалился на родину.

Он проводил время в посте и молитвах, посещении храмов Божиих и других подвигах добродетели. Святой Евсигний пользовался любовью

соотечественников, и к нему часто обращались многие за советом и наставлением. Так он дожил до времени правления жестокого гонителя христиан Юлиана Отступника (361—363), стремившегося восстановить язычество. Направляясь однажды в храм Божий, святой Евсигний повстречал на пути двух ссорившихся язычников. Они остановили святого и просили его разрешить их недоумения. Угодник Божий исполнил их просьбу и рассудил по справедливости. Тот, кто оказался неправ, обиделся и донес, что Евсигний—христианин. Святой предстал перед судом императора Юлиана. Он безбоязненно обличил царя в отступлении от Христа, противопоставляя его благочестивому Константину Великому. При этом угодник Божий, как очевидец, подробно рассказал о явлении на небе знамения Креста. Юлиан, кипя злобой и не желая слушать святого исповедника, приказал отсечь ему голову. Мученическая кончина святого Евсигния последовала в 362 году, на 110-м году жизни.